

docdrive 文川网
入驻商家
在文川网搜索古籍书城 获取更多电子书

中國方志叢書·華北地方·第二四〇號

據
清·袁文觀纂修
清·乾隆三十年抄本
影印

陝西 省

同官縣志



SK35/11

成文出版社有限公司印行



中華民國五十八年 月壹一版

同官縣志

全一冊

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

同官縣志序

古者列國皆有史記事記言所以彰褒貶定是非也自秦歷漢晉唐宋則郡縣有志而無史志與史不同而未嘗不互相表裏故義例不精體裁不密者不可以言史亦不可以言志純繆雜出挂一漏萬者亦然蓋志亦綦難而匪易也江右袁君以名進士起家茂宰銓授左輔之同官邑為古祿祠地僻近邊隅號稱難治袁君蒞任以來振綱飭紀百廢具興因於簿書之暇取前志而編輯之未幾而裒然成帙其丙夜之校讐丹鉛之紛籍賢且勤矣書成乞叙予予展而閱之見其條分縷析考覆詳明凡建置之源流政教之沿革山川風土

docsriver 文川网
入驻商家 古籍书城

在文川网搜索古籍书城 获取更多电子书

之淳薄人材選舉之盛衰靡不瞭如指掌燦若列眉若引星
辰而上若決江河而下苟非有學有識如劉知幾之所謂三
長者兼擅其美其而炳炳烺烺纚纚洋洋若是之整而瞻也
哉夫言之無文行之不遠闕中作者自呂柟之志涇陽康海
之志武功而外率皆不傳豈盡因陋就簡苟且補苴無當於
史臣之紀載歟是志也貫穿馳騁洞見本原上以備

聖天子之採擇下以供士大夫之考訂其亦可以不朽也已爰
書數語而歸之以弁諸簡首乾隆三十年乙酉歲孟春月

致命提督陝甘學政內閣學士兼禮部侍郎通家生鍾蘭枝題
於鹿原官廡

重修同官縣志序

甲申之夏予奉

命來宰於同披覽前志多漉漫不可卒讀且脩于前明崇禎庚辰至今曠百二十餘年矣其間時地之變遷風俗之移易田賦物產之贏絀人材選舉之盛衰文獻無徵攷稽難悉予惕然懼亟與紳士耆碩謀脩之衆皆唯唯恐後而觀其色若有甚難焉者曩令之為是舉也亦屢矣然卒中止迄無成局蓋志之難而脩志於同更難阻于時久者其一阻於財絀者又其一也去秋議脩之始予適有蘭州之行冬還迺即前志之磨憾者搜討援摭綴闕釐謠復遍歷川巖博采碑蹟期於纖

蹟不遺而志之條理粗具今春又有學署書院之役端陽後
乃得搦管從事竊喜公餘休暇簿領不勞故予得優遊肆力
於筆墨間三閱月而脫稿為卷有十目六十有五言七萬四
千四百有奇方書之成也予奉

大憲命分校錄闡冬初始克付剞劂工竣而予以銓次入都志
所載興革諸事有未及行者所望後之君子及邑之士夫正
無窮也邑俗多勁質鮮儂黠風比其最近古者而五方雜厝
三戶成村議者以為莫善于保甲然今昔之論保甲者案牘
幾如蜂積而利弊恆相因不明其意難收其效徒泥其法且
滋之累予故獨詳其村堡于鄉里而不別立保甲之條意固

有在也初予講學明倫堂揖見諸紳士咸恂恂有古風而弁
晉少文由來非朝夕故矣然揚子有言蹄驥之馬亦驥之駕
蹄顏之人亦顏之徒况今

聖天子文治翔洽雲蔚霞蒸雖斗大山城菁華豈或闕耶滌其
苦窳聞其樊籠則大雅可登也今秋學署書院相繼並起邑
人士咸喁喁望化予方冀於訟庭花落之餘與諸生延師講
學把酒譚詩則雖甑中生塵釜中生魚致足樂也昔顧愷之
令山陰盡日垂簾門階閒寂文翁治蜀教令廣被學比齊魯
此皆一文事論吏治干治同也最為近之予竊慕焉而愧未
能也今仁和葉君以瀛洲仙客繼予作宰甫下車即毅然以

臣官鼎夫

斯文為己任諸子所未遑者行將富有而日新之是則子之所深幸也夫時乾隆三十年乙酉歲一陽月崇仁袁文觀書

同官縣志

新修姓氏

纂輯

知同官縣理任禮部祠祭司郎中袁文觀崇仁

提調

訓

導李輔世商南

署典史候補吏

目張琦餘姚

採訪

舉

人王豐年

廩

生習雲翔

司
系
志

姓氏

一

同
官
員
六

生

校對

歲

廩

生

廩

經理

歲

歲

監

員
王
子
滿

貢
崔
泰

生
習
雲
翔

員
楊
煦

生
喬
元
英

貢
王
玉
賓

貢
許
鐸

生
楊
東
甸

增 廣 生 生

廣

生 馮 鏡

生 孫 岱

員 張 安 國

員 趙 曰 友

金 璽

辦事書吏翁天祈

王 進 義

辰
丁
未
午

同官縣志

凡例

一邑志之作明以前無傳者嘉靖後二楊舊本已不可見今所存者惟萬歷四十六年舊志其間不無訛漏况今歷百五十餘年文獻無徵考稽難悉不憚博徵遠採搜括靡遺傳其可知不傳其不可知而已

一舊志十卷今因之然以古蹟另為一卷列於選舉之後輕重失宜排次鮮當殊非體裁且所列諸目故城考核未精山寨亦為疊見其以現在之廟寺墳墓列入古蹟尤為不經今特正之

凡例

一舊志惟名宦數人另分目立傳然今已大半遺脫其餘德政遺愛建碑立祠者俱僅附小書數語於後未免太略今皆另傳於宦蹟一字之美悉從舊志所載書之

一志與國史體同而例異志美不志惡正也舊志以本邑人操觚豈君子居是邦之義乎此康對山武功志所以見譏於後也况人物則又專志美更何解焉今惟傳其可傳而不傳者可知矣

一本朝百十餘年官師房案多不可稽紳士亦無可採覽所存草本大都誇獎人物道德文章孝義節烈滿軸琳琅而官師竟為逸帙余悲且懼幸有王生子滿年八十餘自明

季迄今錄有藏本甚為詳核故余得備而論之

一選舉貢監吏員例皆得書舊志監生概入於例貢殊為蒙混今則以監出身及捐職人員附於例貢之後其明萬厯以前未由攷正者仍從舊本

一某人之子孫必書所以某家傳也然以祖父之名而列於子孫之下於義未安今更正

一官師人物其已入祠祀及卓乎足紀者特書立傳若事蹟不彰而輿論歸之亦不容泯也爰倣唐書之例總列於篇一沒世名稱蓋棺論定故人物所傳現存者概不錄

一藝文非闕地方事蹟雖巨製鴻篇不錄至名勝古蹟碑銘

凡例

頁二

序記雖其文不足傳亦採取付鈔以垂不朽

一仙術寓賢應列入人物舊志以雜述統之殊乖體制今所採者攷之古史訪之流傳雖一見一聞無妨採而書之以徵名山之別錄而當年世故變遷厯厯如見其無關於事蹟荒誕之語概不錄也

一志書所載如鼓樓文廟及書院膏火等類余皆以理任却事多所未遑而志已付梓難以更定然余之所以存而不削者深望後之君子次第舉行故特表而出之毋使余僅托之空言亦以見後人之美余不敢專也

一各卷目後必有按皆鄙見所及非發揮事情即厘正訛缺

docsriver 文川网
入驻商家 古籍书城

在文川网搜索古籍书城 获取更多电子书

非徒循故事飾虛文已也其有所辨析攷核者即註於本條之下率以按字領之

凡例

復官集卷

同官縣志

目錄

卷之一

輿地

星野

山川

卷之二

建置

城池

祠祀

沿革

古蹟

疆域

祥異

形勢

廨署

恤政

鄉里

郵政

市鎮

關梁

附提防

目錄

兵防 碑坊

卷之三

田賦

戶口 地丁 賦稅 起運

存留 耗羨司領 稅課 鹽引

卷之四

風土

習尚 藝術 禮儀 歲時

方言 化導 物產

卷之五

學校

學宮

祭器

樂器

舞附

樂章

祝文

儒學

書院

社學

射圃

學額

學田附

卷之六

官師

官制 附吏胥

題名

宦蹟

卷之七

選舉

薦辟

進士

舉人

貢生

↓

...

...

目錄

二

后官鼎

例貢 監職 掾吏

武舉

武弁

封蔭

卷之八

人物

鄉型

孝友

義行

列女

流寓

卷之九

藝文

碑記

傳序

雜著

詩

卷之十



雜記

紀事

拾遺

附錄

目錄

三



三
二
一
〇

同官縣志卷之一

邑令豫章袁文觀用賓氏手輯

輿地志

同自西漢建邑密邇京畿介在三輔扼塞延榆襟喉關中誠要地也北道崇山峻嶺斷崖絕壁昔人謂險阻加於他處豈偶然哉則形勢山川固可按實而知也而其間沿革損益代有遷移辨星野察機祥參稽顧可或忽哉志輿地

星野

周禮保章氏鄭康成注鷄首秦也春秋元命苞東井輿鬼散為雍州分為秦國史記天賜秦穆公鷄首之地天官書東井

輿地

輿鬼雍州漢書地理志秦地于天官東井輿鬼之分野也其
界自弘農故關以西京兆扶風馮翊北地上郡西河皆屬焉
自井十度至柳三度謂之鶉首秦之分也月令章句自井十
度至柳三度謂之鶉首之次芒種夏至居之為秦之分野晉
書天文志自井十六度至柳八度為鶉首秦之分野屬雍州
費直起井十二度荼邕起井十度陳卓范蠡鬼谷先生張良
諸葛亮並云東井輿鬼雍州唐書天文志東井輿鬼鶉首也
主三輔及北地上郡諸地之分唐書地理志關內道古雍州
之域漢三輔北地上郡及弘農隴西五原西河雲中之境天
文分野書井鬼在未自井九度至柳三度屬秦分雍州則陝

西水興鳳翔鳳隴邠丹同華耀坊延廊興元及西夏之西偏
秦鳳之西北皆秦分也明史井九度至柳三度鷄首之次也
陝西布政司所屬之西安府同華乾耀邠等州皆井鬼分明
世法錄自井八度三十三分三十八秒起歷井二十三度鬼
二度柳五度一十二分三十八秒共二十九分一秒為鷄首
之次其辰在未斗柄建午律應蕤賓明一統志西安府禹貢
雍州之域天文井鬼分野舊志同入東井一度

國朝欽天監測觜九度至井二十六七度為鷄首之次其餘井
度并與鬼四度俱入鷄火

按自司馬氏述天官後之作史者皆志天文漢晉隋唐譚

星家紛如聚訟其說往往難通雍在西而鶉首在南果何
解與唐一行以天下山河之象存乎南北兩界其說又已
窮矣論秦者歷代皆以東井與鬼為雍州而費直蔡邕京
房張衡輩有井一度入鬼二度及井十二度入柳五度之
說李淳風法象志且謂北地入尾然則分星分野固未可
以為據也至析而求之某度某分更鑿矣考同原屬三輔
北郡地據諸家書其入井而不及鬼柳也明矣

沿革

禹貢雍州之域秦屬內史地隸於司隸校尉漢景帝二年置
殺胡縣分內史為左右屬左內史縣與今之耀州皆漢殺胡

docsriver 文川网
入驻商家 古籍书城

在文川网搜索古籍书城 获取更多电子书

地也魏廢祓裊僑置泥陽為北地郡晉於頻山之陽置頻陽縣縣地入於頻陽隸馮翊郡苻秦於祓裊東北銅官川置銅官護軍後魏太武真君七年罷銅官護軍置銅官縣以土門護軍入焉屬北地郡宣武時仍析銅官置土門縣莊帝永安元年屬宜君郡西魏因之後周武帝建德四年徙銅官故縣於今縣東北一里去金為同屬宜川隨屬京兆郡大業二年省宜川及土門縣隸雍州義寧二年後自雍州改屬宜君郡唐武德元年罷宜君郡立宜州貞觀初以縣隸宜州十七年罷宜州及土門縣復改隸雍州天授二年以永安縣置宜州縣復隸之大足元年又罷宜州改隸雍州梁開平二年自京

北府改屬同州後唐同光元年始自同州隸耀州耀州在宋屬永興路金屬京兆路元屬奉元路明改為西安府縣皆隸焉

國朝雍正三年改耀州為直隸州縣仍隸之十三年改為散州縣屬西安府北三代以來歷代沿革之大概也其前不必論已據歷代史考定作沿革表于後以便省覽

三代

夏雍州地

漢

葭州屬左內史

秦

內史地屬司隸校尉

晉

頻陽屬馮翊郡